



De Brinz kummt.

I. Schtimme aus 'm Volk.

Du, Hanneß, hascht' deß aah geless?
Drei große Schbalde sinns;
Do kummt uff seiner Summerräß
Aah in die Palz de Brinz;
Heit Owend hänn mer schon um Neun
Sizung im Milideer-Verein,
Wie mer als echde Bah're
De Brinz hie wirdig feire.

Die Krieger un die Feierwehr,
De Ardollerie-Verein,
Die Turner un die Schwollescher
Schtehn vun de Bahn ereiⁿ
Zwee Glied hoch an de Schtroß Schbalier,
Un vor de Fall, daß was bassiert —
E Mensch is schließlich jeder —
Hänn mer die Sanideter.

Wie ich geheerd hann, bringen se aah
Dwends im große Park
Dem Brinz e Fackelserenad
Bun 1000 Sängere schtarf.
Wääsch't' waß, do gehn mer mit enei",
Schtell'n uns zu irgend em Verein,
Un dhun, als ob mer dheete,
Un kummt wer, 'gehn mer bleede.

Doch nä" — wann's nooher Freibier gebd,
Deß loss'n mer net im Schtich:
Do singen Eich noor hääß die Kebb,
Mer sitzen schon am Disch —
Un schtoßt sich aah e mancher dra",
Mer schtoße mit de Glässer a"
Un dhun se fleißig hewe:
Proscht, Freind, de Brinz soll lewe!

II. Die Dame vum gemischte Chor.

Guten Tag, Frau Rat, Sie singen doch
Heut' auch im Festbankett?
Ein' Prinz sieht man nicht alle Tag',
Da muß man in's Parkett.

Ich war zwar schon ein halbes Jahr
In keiner Probe mehr;
Doch denk' ich, das hat keine Not,
Wie ich gibts wohl noch mehr.

Du lieber Gott, das Singen ist
Auch Nebensache dann —
Die Hauptsach' ist, daß man den Prinz
Bequem betrachten kann.
Vielleicht bringts Zufall oder Glück,
Daß man in erster Reih',
Und profitiert so einen Blick
Und Wort vom Prinz dabei.

Frau Rat, was ich noch sagen will:
Mein Bäschen kommt hierher
Mit ihren Töchtern, 's sind nur sechs,
Die auch dabei gern wär.
Sie haben ja jahraus, jahrein
Nichts auf dem Land zu sehn —
Gelt, drücken Sie ein Auge zu,
Wenn an der Kass' sie stehn.

Was meinen Sie, es ging nicht an,
Der Platz sei so zu klein?

Bitte, wir vom gemischten Chor,
Wir schicken uns schon drein.
Und was den andern Plebs betrifft,
Mag selbst er schau'n, wo Platz —
Erst kommen wir, dann lange nichts,
Dann er; wer's hat, der hatt's.

III. De Herr Vorschtand.

Fraa, iß meiⁿ Aⁿzug in de Reih?
Es kummt de Brinz hieher —
Sorg', daß die Anebb all aⁿgeneht,
Daß alles schäⁿ lescheer.
Mach mer die Hoffe net zu eng,
Du wääscht, bei so waß muß
Mer bicke sich, wann do waß blagt,
Deß wär käⁿ schlechter Schtuß.

Besch mer meiⁿ Glasse mit Benzin,
Bericht meiⁿ Cylinder aus,
Un mach mer aus de weiß Krawatt
Die Flecke noch eraus.
Un noch waß, schneid mer in meiⁿm Frack
's Knobbloch greeßer doch —

Wer wääs, vielleicht gebd's aah for mich
Deß Johr e Orde noch.

Hall mer die Kinner schä" im Zaam,
Daß kä"ns es anner klobbt,
Un daß, wann ehr beim Brinz mich siehn,
Mich kä"ns am Ärmel zobbt.
Un iwwerhaubt, drauß uff de Stroß
Bin ich for Eich net do, —
Do hann ich mit mei" Amd se dhu,
Jetzt richten Eich denoh.

Sinn mol erum die Brinzedaah,
Un iß die Haß ze End, —
Dann kriehscht in Gottesname, Fraa,
Du wirrer 's Regimend.
Bis dorthi" awwer mux sich kä"ns,
Sunscht hall's de Deiwel aus:
Vorschtand ze sei" im Jr-Berein
Un Hausknecht im eijne Haus.

IV. De Werrd.

Gott sei 's gedrummelt un gepiff,
Deß iß mol waß for uns,

So ebbes hot uns lang gefehlt;
Jetzt kenne mer sa'e: Mer hunn's.
E Brinz is hie, des is e Word;
Die Stadt drum voll aah werd,
Un wer es mä"nscht do brofetiirt,
Sin mer, des sein die Werrd.

De ganze Winder war nix los,
Ää" Zug, kä" Karneval —
Die Brinzedaah bringe ei",
Was dort uns ausgefall.
De Schambes, der schun schimmlich is,
Werd wirrer uffgebraucht —
Un Auschtere un Kaviar,
Soweit er eischt noch daugt.

Was dann den klä"ne Mann bedrefft,
Der aah an so 'me Daah
Was durch die Gorjel schlubbe löst,
For denne sorje mer aah.
Ob's Wei", ob's Bier, ob's „Korzer" is,
Bun jerem gebt's genunk —
Un wer sich immerzeige will —
Nor bei, un fescht gedrunk!

Un wann 's Gotal dann rabbelvoll,
Daf mer fä" Blaz mä" weefß,
Do zeigt sich, was for Sege iß
Doch so e Brinzerääs,
Un als loyjaler Unnertan
De Werrd in's Glas dann brummt:
„Gott gebb, daß noch e manchesmol
E Brinz in's Schtädte kummt.“

